

Källa: Språkrådet

Duv riektá adnet rijkalasj unneplågogielajt

Le gus dujna tjanos muhtem rijkalasj unneplåhkuj de dujna l riektá adnet ietjat gielav aktavuodan fábmudagáj. Oattjo diedoijt dáanna makkir gielalasj riektá dujna li ja majt máhtá rávkkat duv kommuvnas ja ietjá fábmudagájs.

Ádájakmáno 1.b. 2010 ásaduváj ádá láhka rijkalasj unneplågoj ja unneplågogielaj birra. Rijkalasj unneplåhkon nammaduvvi juvdára, roma, sáme, svierigasuoimelattja ja duornosliegega. Rijkalasj unneplågogielaj li jiddisch, románagiella, sámegiella, suomagiella ja meängiella.

Gájkka rijkalasj unneplågogielaj galggi suoddjiduvvat ja ávddánit

Láhka diedet rijkalasj unneplågogielaj galggi suoddjiduvvat ja ávddánit. Gejna l tjanos rijkalasj unneplåhkuj galggá riektá oahppat, ávdedit ja adnet ietjas unneplågogielav. Fábmudagá galggi gulldalit rijkalasj unneplågoijt ja vieledit sijá dárbojt.

Fábmudagájn la válggogisvuohta dunji diedoijt vaddet duv riektáj birra, juska vil makkir rijkalasj unneplågogielav ságasta ja gánná áro Svierigin.

Sierralágásj nanos riektá suomagiellaj, meängiellaj ja sámegiellaj

Sierralágásj nanos riektá li sujna gut ságas suomagiellav, meängiellav jali sámegiellav ja árru kommuvnan tjuottjudusguovlon. Biele vuolemusán vuojná jus duv kommuvna gávnnu tjuottjudusguovlon.

Dujna gut áro kommuvnan tjuottjudusguovlon la riektá aktavuodav válldet fábmudagáj ietjat gielajn. Dujna l máhttelisvuohta vásstádusáv oadtjot njálmálattjat ja tjálatattjat sámme giellaj.

Dán máhtá ádnat mánná- ja vuorrasijhuvsov állásit jali muhtem mudduj suomagiellaj, meängiellaj jali sámegiellaj.

Dujna l riektá adnet unneplågogielav aktavuodajn duobbbmostávlájn jus áro Girona, Jielleváre, Árjepluove, Jáhkámáhke, Haparanda, Bájila jali Övertorneå kommuvnajn.

Dán gut áro kommuvnan mij ij sebra tjuottjudusguovlluj la máhttelisvuohta aktavuodav válldet fábmudagáj ja oadtjot vuorrasijhuvsov suomagiellaj, meängiellaj jali sámegiellaj, jus gávnnuji bargge giellamáhttudagáj. Fábmudagá birriji ásadit vaj gávnnuji bargge giellamáhttudagáj gá l dárbbbo.

Juska gánná áro de agev máhtá tjálet suomagiellaj, meängiellaj ja sámegiellaj Rijkabiejve oahhtsáj, Justitiekanslerij, Oadjodájmadahkaj, Värrofábmudahkaj ja Nuppástimoahhtsáj.

Máhtá aktavuodav válldet

Jus aná duv kommuvna jali ietjá fábmudagá ij dievde lágav de máhtá aktavuodav válldet Lenastivrajn Stockholma lenan jali Sámedikkijn ma galggi gáhttit láhka álliduvvá. Sámedigge ávdásvásstádusáv adná sámegiellaj ja Lenastivrra Stockholman ávdásvásstádusáv adná ietjá gielajns.

Ássudahka unnepláhkoássijda Lenastivran Stockholma lenan

Tfn 08-785 40 00

Sámedigge

Tfn 0980-780 30